

注書
岑嘉州詩

揭要

岑嘉州當天寶之際，與杜子美並世。子美數與倡酬，比之謝眺，詩格清高，肩比高適。王漁洋每恨不能廁身執鞭，足見格調之高矣！

小傳

嘉州爲文本之後，名參，登天寶進士，屢佐戎幕。肅宗時，杜甫薦爲左補闕，後出爲嘉州刺史。退居杜陵山中，屬中原多故，客死於蜀。

注音

岑嘉州詩

目次

初至西虢官舍南池呈左右省及

南宮諸故人……………一

秋夜宿仙遊寺南涼堂呈謙道人…………二

宿華陰東郭客舍憶闔防……………三

鞏北秋興寄崔明允……………四

終南雲際精舍尋法澄上人相遇

歸高冠東潭石淙望秦嶺微雨

作貽友人……………四

送王大昌齡赴江寧……………五

灋頭送蔣侯……………六

與高適薛據登慈恩寺浮圖…………七

終南山雙峯草堂作……………七

因假歸白閣西草堂……………八

楚夕旅泊古興……………九

暮秋山行……………一〇

白雪歌送武判官歸京……………一〇

輪臺歌奉送封大夫出師西征…………一一

走馬川行奉送出師西征…………一三

函谷關歌送劉評事使關西·····	一三	送張子尉南海·····	二二
胡笳歌送顏真卿使赴河隴·····	一四	送張都尉東歸·····	二三
與獨孤漸道別長句兼呈嚴八侍 御·····	一五	送王七錄事赴虢州·····	二三
送費子歸武昌·····	一七	終南東谿中作·····	二三
偃師東與韓樽同詣景雲暉上人 卽事·····	一八	漢上題韋氏莊·····	二四
衛節度赤驃馬歌·····	一九	題永樂韋少府廳壁·····	二四
澠水東店送唐子歸嵩陽·····	二〇	首春渭西郊行呈藍田張二主簿·····	二五
送鄭堪歸東京汜水別業·····	二一	西過渭州見渭水思秦川·····	二五
送杜位下第歸陸渾別業·····	二二	題三會寺倉頡造字臺·····	二六
還高冠潭口留別舍弟·····	二二	秋思·····	二六
		題平陽郡汾橋邊柳樹·····	二六
		獻封大夫破播仙凱歌·····	二七

玉關寄長安李主簿·····	二八
饒州後亭送李判官使赴晉絳·····	二八
赴北庭度隴思家·····	二八
山房春事·····	二九
逢入京使·····	二九

注香
岑嘉州詩

王漁洋先生選本

五古

初至西虢官舍南池呈左右省及南宮諸故人

西虢，即今陝西寶雞縣虢城，魏仲

之所封地，後徙下陽。按唐書地理志，有虢州弘農郡。一統志：陝州，周虢國地，王季子魏仲封於此。左右省，謂門下省、中書省也。南宮，唐吏部，魏谷獲切。

黜

敕律切

官自西掖

亦音

待罪臨下陽

空積犬馬戀

讀作練

豈思鵠

音鵠

鷺行

素多江

湖意，偶佐山水鄉。滿院池月靜，捲簾谿雨涼。軒窗竹翠濕，案牘

衣桁

聲航去

青苔生筆牀。數公不可見，一別盡相忘。敢恨青瑣客，無情華省郎。早年

迷進退，晚節悟行藏。他日能相訪，嵩

音松

南舊草堂。

【西掖】漢官儀：左右曹受尚書事，前世文士以中書在右，因謂中書爲右曹，又稱西掖。

【待罪】謝靈運詩：待罪豈久期，謫樂俟明

賁。【下陽】今山西平陸縣。左傳：魏仲虢叔。疏：魏仲封下陽，魏叔封上陽。

【犬馬戀】魏書游明根傳：年踰七十，表求致仕，曰：臣

桑榆之年，蒙陛下之澤，首領獲全，犬馬之戀，不勝悲塞。

【鵲驚】官之班行，如鵲驚也。鵲，鸞鳳之屬，水鳥。隋書音樂志：懷黃綰白，鵲驚成行。

【案牘】

官中文書。謝朓詩：情曠幸非多，案牘偏爲寡。

【白鳥】較也。

【衣桁】衣架也。古樂府東門行：登視桁上無懸衣。

【筆牀】

樹查條，梁簡文製筆牀，以四查爲一牀。

【青瑣句】宮門刻爲連瑣文，而塗青，各指南宮故人。

【華省句】華省

郎，指左右省故人。

【行藏】論語：用之則行，舍之則藏。

【嵩南】嵩山之南。嵩爲中嶽，在河南登封縣北。

秋夜宿仙遊寺南涼堂呈謙道人

太乙連太白，兩山知幾重。路盤石門窄，匹馬行才

通

日西到山寺，林下逢

支公。昨夜山北時，星星聞此鐘。秦女去已久，仙臺在中峯。簫聲不可聞，此地留遺

蹤。石潭積黛色，每歲投金龍。亂流爭迅湍，

讀若

噴

普魂切

薄如雷風。夜來聞清磬，月

出蒼山空。空山滿清光，水樹相玲瓏。迴廊映密竹，秋殿隱深松。燈影落前谿，夜宿

水聲中。愛茲林巒好，結宇向谿東。相識唯山僧，鄰家一釣翁。林晚栗初坼，

音策

枝寒

梨已紅。物幽興易愜，事勝趣彌濃。願謝區中緣，永依金人宮。寄報乘輦

連上

客，簪

裾爾何容？

【太白太白】均終南山之支峯。【支公】沙門傳：支公，名遁，字道林。【星星句】星星，衆星也。言衆星在天，已開晨鐘也。

【秦女】列仙傳：秦穆公女弄玉，與蕭史吹簫騎鳳，今臺址在寶雞縣。【石潭】疑即太白湫。一統志：太白湫在西安太白山頂。【黛】

青黑色。【金龍】太白湫下有神龍。【迅湍】急流也。【噴薄】吳郡賦：噴薄沸騰。注：水相激盪曰噴薄，言波浪湧起而相沸騰也。接杜詩註引此漬作噴。

【雷風】易：雷風相薄。【玲瓏】天台山賦：朱闕玲瓏於林間。注：玲瓏，明見貌。【坼】外殼裂也。

【金人】後漢書：漢明帝夜夢金人長丈餘，身有白光，飛空而至，以問羣臣，有通事舍人傅毅對曰：臣聞西域有神，其名曰佛，其形長丈

尺而黃金色，輕舉能飛，陛下之夢，得無是乎？帝於是遣使取佛經，及起白馬寺於華門外。【乘輦】輦，天子車。魏文帝詩：乘輦夜行遊，

逍遙步西園。此作乘車解，非指天子也。【簪裾】簪，束髮之具，裾，衣之前襟。此指顯貴者。庾信詩：星橋擁冠蓋，錦水照簪裾。【爾

何容】怪其何爲容身其中。

宿華陰東郭客舍憶閻防

華陰，今縣名，屬陝西關中道。

次舍山郭近，解鞍鳴鐘時；主人炊新粒，行子充夜饑。關月生首陽，照見華陰祠；蒼茫秋山晦，蕭瑟寒松悲。久從園廬別，遂與朋知辭。舊壑蘭杜晚，歸軒今已遲。

【次舍】旅館也。【解鞍句】食時鳴鐘，到時適便食時。【炊】煮飯也。【首陽】元和郡縣志：首陽山，在河南偃師縣西北，日之方升，

光必先及，故名。【華陰祠】華陰縣有嵒祠。【蕭瑟】蕭條零落也。楚辭：蕭瑟兮草木搖落而變衰。【蘭杜】均香草。

鞏北秋興寄崔明允

唐書地理志：河南府河南縣有鞏縣。

白露被梧桐，玄蟬晝夜號。秋風萬里動，日暮黃雲高。君子佐休明，小人

蒿。

好平聲。

所適在魚鳥，焉能徇錐

職追切。

刀？孤舟向廣武，一鳥歸成皋。勝概日相與，思

君心鬱陶。

【玄蟬】黑蟬也。

【君子句】君子爲盛世之臣。

【小人句】小人自安其農事也。三輔決錄：張仲蔚，平陵人也，所居蓬蒿沒人。

【魚鳥】嵇康絕交書：遊山澤，觀魚鳥，心甚樂之。

【錐刀】喻小利也。左昭：錐刀之末，將盡爭之。

【廣武】後漢書郡國志：滎陽有

廣武城。

【成皋】漢書地理志：河南郡有成皋，故虎牢，或曰制邑。

【勝概】猶勝景也。

【鬱陶】鬱悶思念也。書：鬱陶乎予心。

終南雲際精舍尋法澄上人，不遇歸高冠東潭石淙望秦嶺微

雨作貽友人

終南即南山，橫亘關中南面，西起秦隴，東徹藍田。雲際，長安志：雲際山大定寺，在鄠縣東南六十

里。秦嶺，即南山，如鳥翼，終南、太白、朱圜、南山、諸山，皆秦嶺山脈。惟以秦嶺名，則始於甘肅天水，而終於河南陝縣耳。

昨夜雲際宿，旦從西峯回。不見林中僧，微雨潭上來。諸峯皆青翠，秦嶺獨不

開石鼓有時鳴，秦王安在哉？東南雲開處，突兀獼猴臺。崖口懸瀑流，半空白
皚。切我孩噴壁四時雨，傍村終日雷。北瞻長安道，日夕生塵埃。哀音若訪張仲蔚，尉音
衡門滿蒿萊。

【石鼓】魏都賦注：引襄州圖，鄆西北鼓山上，有石鼓形，俗云石鼓鳴，則有兵革之事。吳苑：晉武時吳郡臨平岸崩，出一石鼓，打之無聲，以問張華，華曰：可取蜀中桐材，刻作魚形扣之，則鳴矣。【獼猴臺】未詳。【皚皚】潔白也。【噴壁】歷代名畫記：口含丹墨，噴壁成龍。【長安】古長安城，在今陝西長安縣西北。【張仲蔚】見上蓬蒿注。【衡門】橫木爲門。

送王大昌齡赴江寧

南道，今江蘇江寧縣。

昌齡，字少伯，江寧人，第進士，官汜水尉，以不檢貶龍標尉。江寧，唐書：昇州江寧郡，屬江

對酒寂不語，悵然悲送君。明時未得用，白首徒攻文。澤國從一官，滄波幾千里。羣公滿天闕，獨去過淮水。舊家富春渚，嘗憶臥江樓。自聞君欲行，頻望南徐州。窮巷獨閉門，寒燈靜深屋。北風吹微雪，抱被肯同宿。君行到京口，正是桃花時。舟中饒美音孤興，湖上多新詩。潛虬求音且深蟠，盤音黃鵠舉未晚。惜君青雲器，努力加餐

飯。

【悵然】失意之貌。【送君】莊子：送君者自崖而返。【澤國】猶水國也。周禮：澤國用龍節。

【滄波】滄海之波。文心雕龍：酌滄波以喻朕清。【天闕】猶皇居也。梁簡文帝京洛篇：重門遠照，天闕復穹隆。

【淮水】源出河南之桐柏山，東流入安徽境，諸於江蘇安徽間之洪澤湖。水經注：衛書：導淮自桐柏。【富春渚】水經注：浙江又東北入富陽縣，故富春也。晉后名春，改曰富陽也。

【南徐州】治今江蘇丹徒縣。【京口】今江蘇丹徒縣治。【潛虬】蜀都賦：下高鶴，出潛虬。虬，龍子有角者。【黃鵠】大鳥。

國策：黃鵠奮其六翮，而凌清風。【青雲器】猶言顯貴之才也。顏延之五君詠：仲容青雲器。【餐飯】古詩：思君令人老，努力加餐飯。

飯。

澧頭送蔣侯

澧水，源出陝西甯陝縣東北秦嶺，經長安，納渭水，注渭河。

君住澧豐音水北，我家澧水西。兩村辨喬木，五里聞鳴雞。飲酒谿雨過，彈棊山

月低。徒開蔣生逕，爾去誰相攜？

【喬木】木之曲而高者。

【彈棊】二人對局，黑白各六枚，列棊相當，下呼上擊之，創自漢魏。

【蔣生逕】三輔決錄：蔣詡隱於

杜陵，舍中三逕，唯羊仲求仲從之遊。

與高適薛據登慈恩寺浮圖

慈恩寺，在陝西長安縣東南，曲江北。浮圖，塔也。

塔勢如湧出，孤高聳天宮；登臨出世界，磴

登去聲

道盤虛空。突兀壓神州，崢

耕

切

嶸

橫音

如鬼工；四角礙白日，七層摩蒼穹。

去宮切

下窺指高鳥，俯聽聞驚風；連山若

波濤，奔湊似朝東。青槐夾馳道，宮館何玲瓏；秋色從西來，蒼然滿關中。五陵北原

上，萬古青濛濛。淨理了可悟，勝因夙所崇。誓將挂冠去，覺道賁無窮。

【湧出】法華經：爾時佛前有七寶塔，高五百由旬，出地湧出在空中。

【天宮】蕭繹詩：天宮初動曙。

【磴道】西部賦：陵磴道而

超西墻。註：墻，閣道也。吳澄同。

【突兀】魏都賦註：突兀高貌。

【神州】

史記孟子傳：鄭衍以爲中國，名曰赤縣神州。

【崢嶸

山高貌。

【鬼工】史記：由余謂秦穆公此墓若鬼爲之，則勞神矣。

【蒼穹】爾雅：蒼穹，天也。

【連山】海賦：波連如山。

【馳

道】天子所行之道。漢書賈山傳：秦爲馳道於天下，道廣五十步，樹以青松。

【關中】今陝西省。

【五陵】長陵、安陵、陽陵、茂陵、

平陵，漢帝葬處。

【濛濛】濕潤貌。

【淨理】清淨之理。

【勝因】佛家言因果。因，謂所作者；果，謂所受者。種善因者，必得善果，勝

因，即善因也。

【挂冠】後漢書逢萌傳：時王莽殺其子，萌謂友人曰：三綱絕矣，不去禍將及，即解冠挂東都城門，將家屬浮海，客於

遼東。

終南山雙峯草堂作

終南見前。

斂迹歸山田，息心謝時輩。晝還草堂臥，但與雙峯對。興來恣佳遊，事恆音符勝槩。著書高窗下，日夕見城內。曩爲世人誤，遂負平生愛。久與林壑辭，及來松杉大。偶茲精廬近，數預名僧會。有時逐漁樵，盡日不冠帶。崖口上新月，石門破蒼靄。音三色向羣木深，光搖一潭碎。緬讀若懷鄭生谷，頗憶嚴子瀨。音類勝事猶可追，斯人邈音眇千載！

【斂迹】後漢李膺傳：拜司隸校尉，時張讓弟朔爲令暴橫，膺捕殺之。自此黃門常侍皆屏氣斂迹。【息心】南史何點傳：豫章王徽命駕造點，點從後門遁去。司徒竟陵王子良聞之，曰：豫章王尙望塵不及，吾當望點息心。【時輩】後漢書竇章傳：章譴虛下士，收追時輩，甚得名譽。【恆】滿意也。【符】合也。【勝槩】見上。【著書】史記：虞卿不得已，乃著書，上採春秋，下觀近世，凡八篇。世傳曰：虞氏春秋。【精廬】後漢書儒林傳：精廬暫建，魏書：平恆傳：恆別構精廬。【緬】遠也。【鄭生谷】法言：谷口鄭子真，耕於巖石之下。【嚴子瀨】水經注：自桐廬縣至於潛，凡十六瀨，第二是嚴陵瀨。瀨帶山，山下有石室，漢光武帝時，嚴子陵之所居也。故山及瀨，皆卽人姓名之。【邈】遠也。

因假歸白閣西草堂

假，告假歸家也。

雷聲傍太白，雨在八九峯。東望白閣雲，半入紫閣松。勝槩紛滿目，衡門翠彌濃。幸有數畝田，得延二仲蹤。早聞達士語，偶與心相通。誤徇一微官，還山愧塵容。釣竿不復把，野碓對音松無人舂。惆悵飛鳥盡，南谿聞夜鐘。

【太白】山名。在今陝西鄜縣東南。

【白閣紫閣】通志：紫閣白閣黃閣三峯，俱在圭峯東。紫閣旭日射之，爛然而紫。白閣陰森，積

雪不融，三峯不甚遠。

【二仲】見上蔣生逕註。

【達士】呂氏春秋：達士者，達乎死生之分。

【誤徇句】徇，盡力也，言誤用其

力於出仕也。

【塵容】風塵之容。北山移文：抗塵容而走俗狀。

【碓】舂物之具。

楚夕旅泊古興

獨鶴唳麗音江月，孤帆淩楚雲。秋風冷蕭瑟，蘆荻花紛紛。忽思湘川老，欲訪雲

中君。麒麟息悲鳴，愁見豺虎羣。

【獨鶴唳】謝朓詩：獨鶴方朝唳。唳，鳴也。

【蘆荻】荻，亦蘆也。古樂府：巴陵三江口，蘆荻齊如麻。

【湘川老】羅含湘中記：湘川清

照五六丈，下見底石如摶指是也。湘水又北，汨水注之，西爲屈潭，屈原懷沙，自沈於此。按：此則湘川老，疑卽指屈原。

【雲中君】雲神

也。楚詞：九歌有雲中君。

【麒麟】毛蟲之長，仁獸也。杜，曰麒麟。杜，曰游聖，牝鳴曰歸昌，秋鳴曰養穀，夏鳴曰扶幼。【豺虎】

豺狼類，廣絕交論：鯨人羣於豺虎。

暮秋山行

疲馬臥長阪，

反音

夕陽下通津。山風吹空林，

思答切

颯如有人。蒼旻

閔平聲

霽涼

雨，石路無飛塵。千念集暮節，萬籟悲蕭晨。

鵙

音鳩切

昨夜鳴，蕙

音惠

草色已陳。況

在遠行客，自然多苦辛。

【長阪】阪，斜坡也。蔡邕述行賦：登長阪以臨高兮。

【通津】津，濟渡處。王凝之蘭亭詩：穆言異時遊，追遙暎通津。

【颯颯】楚辭：

風颯颯兮木蕭蕭，思公子兮徒離憂。

【有人】楚辭：若有人兮山之阿。

【蒼旻】天也。

【霽】雨後晴也。

【暮節】初學記：十

二月曰暮節。按詩意當指暮秋。【籟】凡有孔竅發田之聲。

【蕭晨】殷仲文詩：哲匠感蕭晨。秋風蕭瑟之晨也。

【鵙鵙】即杜鵑。

楚辭：恐題鳩之先鳴兮，百草爲之不芳。

【蕙】香草。

七古

白雪歌送武判官歸京

北風捲地白草折，胡天八月即飛雪。忽然一夜春風來，千樹萬樹梨花開。散入珠簾濕羅幕，狐裘不暖錦衾薄。將軍角弓不得控，都護鐵衣冷難着。瀚海闌干百丈冰，愁雲慘淡萬里凝。中軍置酒飲歸客，胡琴琵琶與羌笛。紛紛暮雪下轅門，風掣尺制紅旗凍不翻。輪臺東門送君去，去時雪滿天山路。山迴路轉不見君，雪上空留馬行處。

【白草】胡地草，見前。

【梨花】蕭子顯詩：洛陽梨花落如雪。

【珠簾】陳書皇后傳：後主起臨春結綺望仙三閣，外施珠簾。

【羅幕】陸機詩：隋室接羅幕。

【狐裘】詩：狐裘蒙戎。

【錦衾】詩：錦衾爛兮。

【都護】漢置此官，督護屬國。唐置六大都護，權

任與漢同。

【鐵衣】甲也。

【瀚海】沙漠也。

【百丈冰】神異記：北方層冰萬

里，厚百丈。

【中軍】上將之營。詩：中軍作好。

王敬宏於威遠軍會宴，有侍妓善鼓胡琴。

【琵琶羌笛】琵琶，馬上所鼓，推手前曰琵琶，引手却曰箏，四絃樂器。羌笛，漢武帝時丘仲

所作，長尺四寸，出於羌中故名。

【轅門】漢書注：軍行以車爲陣，轅相向爲門。

【製】手挽之，使不得自由。

【輪臺】唐書地理

志：北庭大都護府，有輪臺縣，今新疆輪臺縣。

【天山】漢書註：天山在西域蒲類國，去長安八千餘里，即祁連山。

輪臺歌奉送封大夫出師西征

唐書：封常清，蒲州人，擢安西副大都護，安西四鎮節度副大使。未

幾改北庭都護，持節伊西節度使。

輪臺城頭夜吹角，輪臺城北旄頭落。毛音羽書昨夜過渠犂，婁音單于已在金山西。戍樓西望煙塵黑，漢兵屯在輪臺北。上將擁旄西出征，平明吹笛大軍行。四邊伐鼓雪海湧，三軍大呼陰山動。虜塞兵氣連雲屯，戰場白骨纏草根。劍河風急雪片闊，沙口石凍馬蹄脫。亞相勤王甘苦辛，誓將報主靜邊塵。古來青史誰不見，今見功名勝古人。

【角】軍中吹器，以銅或角爲之。

【旄頭】史記天官書：昴曰旄頭，胡星也。

【羽書】有急事，用雜羽加書上以寄。

【渠犂】漢

書西域傳：渠犂城，至龜茲五百八十里，自武帝初通西域，置校尉，屯渠犂。

【單于】匈奴君長之稱。

【戍樓】守望之樓。

【金

山】北邊備對突厥，阿史那氏得古匈奴之地，居金山之陽。一統志：金山在陝西永昌衛城北二里，又在故昌松縣南。

【擁旄】旄，旗

之加旆，牛尾於竿上，班固祝文：仗節擁旄。

【雲海】唐書西域傳：葱嶺水南流者，經中國入於海，北流者經胡入於海，北三日行，度雪

海，春夏常雨雪。

【陰山】在今綏遠特別區域，亦大山也。

【虜塞】漢書匈奴傳：遣人之西河，虎猛制虜塞下。注：虎猛，縣名。制虜塞

在其界。【白骨】蔡琰詩：白骨不知誰。

【纏草】恨賦：蔓草縈骨。

【劍河】唐書回鶻傳：青山東有水曰劍河。

【沙口】地名。

【亞相】次相，指封大夫。

【勤王】周禮註：親之言勤也，欲其勤王之事。左傳：求諸侯，莫如勤王。

【青史】即史鑑也，古用竹簡書。

事故曰割青。

走馬川行奉送出師西征

走馬川，川之近雪海者。雪海，西域康居地。

君不見走馬川行雪海邊，平沙莽莽黃入天。輪臺九月風夜吼，呼后切一川碎

石大如斗，隨風滿地石亂走。匈奴草黃馬正肥，金山西見煙塵飛。漢家大將西出

師，將軍金甲夜不脫。半夜軍行戈相撥，風頭如刀面如割。馬毛帶雪汗氣蒸，五花

連錢旋作冰，幕中草檄讀如硯水凝。虜騎聞之應膽懾，之涉切料知短兵不敢接，車

師西門佇獻捷。

【莽莽】空闊貌。說苑：蒼蒼莽莽。

【吼】廣韻：吼，聲也。

【大如斗】家語：江中有物大如斗。

【金山】見前。

【金甲】蔡琰詩：

金甲耀日光。

【撥】發揚貌。

【汗氣】戰國策：服驢車而上太行，白汗交流。

【五花】名畫錄：開元內廐，飛黃照夜浮雲五花

之衆。

【連錢】馬飾也。梁元帝詩：金絡鐵連錢。

【草檄】檄，官文書也。南史：武帝將討王僧辯，詔令草檄。

【懾】畏也。

【短兵】楚辭：車錯數兮短兵接。

【車師】漢書西域傳：輪臺西於車師千餘里。

【獻捷】獻所俘獲之人。左襄：鄭子產獻捷於晉。

函谷關歌送劉評事使關西

函谷關，雍、嶺，長安東一百八十里。唐潼關地，自潼關東二百里至陳州。

鞏寶縣，則秦函谷關也。自鞏寶縣三百餘里至河南府至新安縣，則漢函谷關也。許事掌平決刑獄，屬大理寺。

君不見函谷關，崩城毀壁至今在。樹根草蔓遮古道，空谷千年長不改。寂寞無人空舊山，聖朝無外不須關。白馬公孫何處去？青牛老人更不還。蒼苔白骨空滿地，月與古時長相似。野花不省見行人，山鳥何曾識關吏。故人方乘使者車，吾知郭丹卻不如。請君還憶關外客，行到關西多致書。

【崩城】齊將杞梁死，妻善哭，城爲之崩。論衡：杞梁妻崩城之名，至今不滅。【古道】王粲賦：遵古道以遊豫。【空谷】詩：在彼空

谷。【無外】四海歸服，無中外之判。公羊傳：王者無外。【白馬公孫】劉向七略：公孫龍持白馬之論以度關。【青牛老人】

列仙傳：老子乘青牛過西關。魏文帝詩：老聃通西戎，於今竟不還。【關吏】鮑照詩：雞鳴關吏起。【使者車】後漢書：郭丹，字少

卿，買符入函谷關，慨然歎曰：丹不乘使者車，終不出關。更始二年，丹果乘高車出關，如其志焉。【關外】漢書註：應劭曰：樓船將軍楊

僕，恥爲關外民，上書乞徙東關以家財給用，武帝意亦好廣關，於是徙關於新安，去弘農三百里。【關西】函谷關之西。後漢書：鄧禹

傳：禹名震關西。

胡笳歌送顏真卿使赴河隴

胡笳，類函：笳者，胡人卷蘆葉吹之。天中記：胡笳者，漢張騫入西域，傳其

法於西京，惟得摩訶兜勒一曲。李延年因其曲更造新聲二十八解，以爲武樂，有出塞、入塞、楊柳等十曲。顏真卿字清臣，玄宗時爲平原太守，討安祿山，德宗使尉諭李希烈被殺。

君不聞胡笳聲最悲，紫髯碧眼胡人吹。吹之一曲猶未了，愁殺樓蘭征戍兒。
涼秋八月蕭關道，北風吹斷天山草。崑崙山南月欲斜，胡人向月吹胡笳。胡笳怨
兮將送君，秦山遙望隴山雲。邊城夜夜多愁夢，向月胡笳誰喜聞？

【紫髯】吳志孫權傳：張遼問吳降人，向有紫髯將軍，長上短下，使馬善射者是誰？曰：是孫會稽。【碧眼】高僧傳：達摩眼紺青色，稱碧眼胡僧。

【樓蘭】漢書西域傳：鄯善國本名樓蘭，王治扞泥城，國出玉。

【蕭關】在甘肅固原縣東南。

【天山】一名雪山，在

今新疆境內。

【崑崙】亞洲最大山脈之一。漢書地理志：金城郡臨羌縣，有弱水崑崙山。按：此爲崑崙山在甘肅新疆之一部分。

【涼秋】李陵書：涼秋九月，塞外草衰。

【秦山】十道山川考：秦嶺山在秦川上邽縣。按：秦山，卽南山，今自甘肅東至陝西南部，直至

河南陝縣。【隴山】十道山川考：秦州隴城縣，有大隴山，亦曰隴首山。清水縣小隴山，亦名隴坂，又名分水嶺。

與獨孤漸道別長句兼呈嚴八侍御

侍御御史之通稱。

輪臺客舍春草滿，潁陽歸客腸堪斷。窮荒絕漠鳥不飛，萬磧

七述切

千山夢猶

嬾。憐君白面一書生，讀書千卷未成名。五侯貴門腳不到，數畝山田身自畊。興來浪迹無遠近，及至辭家憶鄉信。無事垂鞭信馬頭，西南幾欲窮天盡。奉使三年獨未歸，邊頭詞客舊來稀。借問君來得幾日，到家不覺換春衣。高齋清晝捲羅幕，紗帽接羅幄。勝音不着。中酒朝眠日色高，彈棊夜半燈花落。冰片高堆金錯盤，滿堂凜凜五月寒。桂林蒲萄陶音新吐蔓，武城刺同蜜未可餐。軍中置酒夜擲張瓜切鼓，錦筵紅燭月未午。花門將軍善胡歌，葉河蕃王能漢語。知爾園林壓渭濱，夫人堂上泣羅裙。魚龍川北盤同溪雨，鳥鼠山西洮叨音水雲。臺中嚴公於我厚，別後新詩滿人口。自憐棄置天西頭，因君爲問相思否？

【客舍】晉書潘岳傳：近畿輻湊，客舍亦稠。

【潁陽】唐書地理志：潁川郡有潁陽縣。

【窮荒】極荒遠之地。李華碑：越窮荒，陷毒

水。【絕漠】漢書武帝紀：沙上曰漠，直度曰絕。

【磧】說文：磧，水中有石者。

【白面書生】南史沈慶之傳：陛下欲伐國，而與

白面書生謀之事何由濟？

【五侯】漢書元后傳：河平二年，上舅五人同日封，故世謂之五侯。

【山田】後漢淳于恭傳：家有山田

果樹。

【浪迹】遊行所至，無方向也。

【紗帽】北史：特賜薛彥紗帽以寵之。

【接離】集韻：白帽也。

【幄】幄也。

【中酒】

訂補雜錄：樊噲傳：項羽既饗軍士中酒。師古曰：飲酒之中也，不醒不醉，故謂之中。

【彈棊】二人對局，黑白各六枚，列棋相當，一呼上

擊之。【燈花】庾信賦：復訝燈花今得錢。

【金錯盤】後魏書云：太武帝作黃金盤十二具，鏤以白銀，錯以玫瑰珠玉。【桂林】

漢書地理志：鬱林郡縣桂林，在今廣西象縣東南。

【蒲萄】種出西域，蔓生，實青紫色，甘美可食。可釀酒。

【武城】史記：平原君傳：

封於東武城。註：今貝州武城縣。

【刺蜜】蜂有刺，故云刺蜜。【錦筵】鮑照詩：臥對錦筵空。

【月未午】月未至中天也。

【花門】唐書地理志：居延海又北三百里，有花門山堡，又東北千里至回紇牙帳。

【葉河】唐書王方翼傳：七月次葉河，無舟而冰。

一夕合，時以爲祥。

【渭濱】答貧戲：周王兆動於渭濱。

【羅裙】中華古今註：隋製夾纈花羅裙，以賜宮人，及百寮母妻。

【魚

龍川】水經注：汧水出五色魚，因謂魚龍水，亦謂之魚龍川。

【盤溪】水經注：渭水之右，磻溪水注之；東南有石室，太公所居也。

【鳥鼠】山名。書：導渭自鳥鼠同穴。

【洮水】說文：洮水出隴西臨洮。東北入河。按：洮水，今甘肅之巴爾西河。

送費子歸武昌

一統志：禹貢揚州之域，三國時吳分江夏，更置武昌縣，今湖北鄂城縣治。

漢陽歸客悲秋草，旅舍葉飛愁不埽。秋來倍憶武昌魚，夢着只在巴陵道。曾隨上將過祁連，離家十年恆在邊。劍鋒可惜虛用盡，馬蹄無事今已穿。知君開館常愛客，勸於切。播百金每一擲。平生有錢將與人，江上故園空四壁。吾觀費子毛骨奇，廣眉大口仍赤髭。資音看君失路尙如此，人生貴賤那得知。高秋八月歸南楚，東門一壺聊出祖。路指鳳凰山北雲，衣沾鸚鵡洲邊雨。勿歎蹉跎白髮新，應須守

道勿羞貧男兒何必戀妻子莫向江村老卻人。

【漢陽】唐書地理志：鄧州江夏郡漢陽縣。

【武昌魚】晉書：吳孫皓徙武昌，童謠云：寧飲建業水，不食武昌魚。

【巴陵道】今

湖北岳陽縣。江賦：爰有包山洞庭巴陵地道。

【祁連】即天山。匈奴呼天曰祁連，在今甘肅張掖縣西南，且甘涼之境。一名南山，亦名

雪山。此爲南祁連，其北祁連，即新疆之天山，在哈密城。西域傳：所謂北山也。

【開館】王褒碑：昭王禮賢，郭陳開館。【擣蒲】今之

擣色，古用五子，亦名五木。宋書武帝紀：劉毅家無儋石之儲，擣蒲一擣百萬。

【四壁】史記司馬相如傳：家居徒四壁立。【毛骨】

晉書元帝紀：瑯琊王毛骨非常。

【廣眉】漢書馬廖傳：城中好廣眉。

【大口】竹書：禹虎鼻大口。

【赤髭】梁簡文帝大法須：被

廣膝赤髭。

【南楚】史記貨殖傳：江南豫章長沙，此南楚也。

【出祖】遠行之祭路神。詩：韓侯出祖。

【鳳凰山】六朝事迹：宋元

嘉中，鳳集於是，乃築臺於山椒，以旌嘉瑞，在建康府城西二里，今保安寺是也。

【鸚鵡洲】在今武昌縣西南江中。三體詩注：黃祖

殺禰衡於洲上，後人號曰鸚鵡洲，以衡嘗爲鸚鵡賦也。

偃師東與韓樽同詣景雲暉上人卽事

唐書地理志：河南府河南郡有偃師縣。上人，僧也。

山陰老僧解楞伽

盛登切

伽，音

頽陽歸客遠相過。烟深草濕昨夜雨，雨後秋風渡

漕河。空山終日塵事少，平郊遠見行人小。尙書磧上黃昏鐘，別駕渡頭一歸鳥。

【山陰】華山之陰。

【楞伽】鄒齊讀書記：楞伽經四卷，宋天竺僧那跋陀羅譯。楞伽，山名也。佛爲大慧演道於此山，元魏僧達摩以

付信難可曰：吾觀國中所有經教，惟楞伽可以印心。【穎陽】見上。【清河】今之運河。【尚書磧別駕渡】在偃師之左近。

衛節度赤驃馬歌

【通典】按唐分天下州縣，制爲十道，每道置使治於所部，其邊方有寇戎之地，則加以旌節，謂

之節度使。驃，音票。說文：驃，驍勇也。

君家赤驃畫不得，一團旋風桃花色。紅纓紫鞵

苦貢切

珊瑚鞭，玉鞍錦羈

音黃

金勒。請君鞞

音避

出看君騎，尾長牽

蘇骨切

地如紅絲。自矜諸馬皆不及，卻憶百金新

買時。香街紫陌鳳城內，滿城見者誰不愛？揚鞭驟急白汗流，弄影行驕碧蹄碎。紫

髯胡雛金剪刀，平明剪出三鬢

子紅切

高。櫪

音歷

上看時獨意氣，衆中牽出偏雄豪。騎

將獵向南山口，城南狐兔不復有。草頭一點疾如飛，卻使蒼鷹翻向後。憶昨看君

朝未央，鳴珂

音柯

擁蓋滿路香。始知邊將眞富貴，可憐人馬相輝光。男兒稱意得如

此，駿馬長鳴北風起。待君東去掃胡塵，爲君一日行千里。

【紅纓】文獻通考：羣臣車轡，金塗銀裝，太平花校具以賜樞密，若出使則加紅鸞牛纓，金塗銀鈿。

【紫鞵】馬勒。吳均詩：紫駞連錢。

【珊瑚】何遜詩：金絡珊瑚鞭。【玉鞍】古今注：孫文豪獲青玉馬鞍，其光照衛。

【錦羈】被於馬背，以錦爲之。開寶遺事：各

置接馬，飾以錦繡金絡。【黃金勒】王僧孺詩：玉鞵黃金勒。【轂】軍上駕馬之具。【香街】北史魏臨淮王曄傳：漢祖創業香街，有太上之廟。【紫陌】于仲文詩：紫陌結朱輪。【鳳城】杜甫詩註：趙曰：秦穆公女吹簫，鳳降其城，因號丹鳳城。其後言京城曰鳳城。【白汗】戰國策：白汗交流。【紫髯】胡人鬚紫色。【鬣】頸上毛。【櫪上】櫪，馬閑。魏武帝詩：老驥伏櫪。【蒼鷹】一名蒼鳥，凶鳥也。脚有鉤爪，勁而有力，獵者多畜之。蒼，深青色。【未央】漢書蕭何作未央宮。【鳴珂】珂，石似玉者，用作馬勒銜。徐陵詩：飛蓋響鳴珂。【擁蓋】沈約詩：騰蓋擁奔星。【掃塵】李陵書：滅跡掃塵。

五律

瀝水東店送唐子歸嵩陽

嵩陽即今河南登封縣。

瀝水，一統志：在西安府城東二十五里，源出藍田縣，合金谷水，北流入瀝水。

野店臨官路，重城壓御堤。山開瀝水北，雨過杜陵西。歸夢秋能作，鄉書醉
題，橋回忽不見，征馬尙聞嘶。

西晉

【瀝水】關中八川之一，源出陝西藍田縣東倒谷。

【杜陵】在長安南十里，即古杜伯國。

【嘶】馬鳴也。

送鄭堪歸東京汜水別業

東京，帝王世紀：漢高帝都長安，光武都洛陽，時人因謂洛陽爲東京，長安爲

西京。汜水，汜音似。一統志：汜水源出汜水縣西方山，又汜水縣隸開封府，古東魏國。漢置成皋縣，唐貞觀中，又省入汜水，屬鄭州。後屬孟州。別業，田園之別置於他處者。

客舍見春草，忽聞思舊山。
看君灞陵去，匹馬成皋還。
對酒風與雪，向家河復關。
因悲宦遊子，終歲無時閒。

【灞陵】即霸陵。漢文帝陵，在陝西長安縣東。

【成皋】見上鞏北秋興注。

送杜位下第歸陸渾別業

陸渾，唐書地理志：河南府有陸渾縣。

正月今欲半，陸渾花未開。
出關見青草，春色正東來。
夫子且歸去，明時方愛才。
還須及秋賦，莫即隱蒿萊。

【秋賦】即試秋也。全唐詩話：唐舉子先投所業於公卿之門，謂之行卷。裴說只行五言十九首，至來年秋賦，復行舊卷，時人譏之。

【蒿萊】賤草。韓詩外傳：原憲居魯，環堵之室，茨以蒿萊。

還高冠潭口留別舍弟

昨日山有信，祇今耕種時。遙傳杜陵叟，怪我還山遲。獨向潭上酌，無人林下

棊。東谿憶汝處，閒臥對鸕鷀。音

盧鷀音茲

【杜陵】見前。【鸕鷀】水鳥，似鴉而黑，能取魚，一名烏鬼。

送張子尉南海

尉，官名。此是縣尉之類，佐縣之吏。南海唐書地理志：廣州南海郡南海縣，屬嶺南道。

不擇南州尉，高堂有老親。樓臺重蜃氣，邑里雜蛟人。音海暗三山雨，花明五

嶺春。此鄉多寶玉，慎莫厭清貧。

【不擇】說宛：家貧親老，不擇祿而仕。【南州】楚辭：嘉南州之炎德兮。【蜃氣】史記：天官書：海旁蜃氣象樓臺。本草：車螯一名

蜃，能吐氣爲樓臺，海中春夏間，依約蜃氣，常有此氣。【蛟人】水居似魚，不廢耕織，眼泣則成珠。【三山】史記：封禪書：自威宣燕

昭使人入海求蓬萊方丈瀛洲，此三神山，共傳在渤海中。【五嶺】史記：淮南王傳：使尉陀踰五嶺，攻百越。廣州記：大庾、始安、臨賀、桂

陽、揭陽，爲五嶺。【寶玉】南海出寶玉，故云。

送張都尉東歸

都尉，唐書百官志：諸衛折衝都尉；折衝都尉一人，左右果毅都尉一人。

白羽綠弓絃，年年只在邊。
還家劍鋒盡，出塞馬蹄穿。
逐虜西踰海，平胡北到
天。封侯應不遠，燕領音豈徒然？

【燕領】後漢班超傳：虎頭燕領，飛而食肉萬里侯相也。

送王七錄事赴虢州

錄事，州郡主簿之職。虢州，唐書地理志：虢州弘農郡，屬河南道。

早歲卽相知，嗟君最後時。
青雲仍未達，白髮欲成絲。
小店關門樹，長河華岳
祠。弘農人吏待，莫使馬行遲。

【青雲】史記伯夷傳：非附青雲之士，安能施於後世哉？

【長河】黃河。

【華岳祠】華山有岳祠。

【弘農】故城在今河南

靈寶縣南。

終南東谿中作

終南，卽南山。橫亘關中南面，西起秦隴，東徹藍田；凡乘蛟黿鄒長安萬年，相去八百里，所在皆是。

谿水碧於草，

晉

潺湲花底流。沙平堪濯足，石淺不勝舟。洗藥朝與暮，釣魚春

復秋。興來從所適，還欲向滄洲。

【潺湲】魏文帝丹霞蔽日行：谷水潺湲，水落翻翻。

【滄洲】見前。

漢上題韋氏莊

漢上，漢江之上。漢江，源出陝西鞏羌縣北嶓冢山，入江之大川。

結茅聞楚客，卜築漢江邊。日落數歸鳥，夜深聞扣舷。水痕侵岸柳，山翠借廚烟。調笑提筐婦，春來蠶幾眠。

【結茅】鮑照詩：結茅野中宿。

【扣舷】舷，船邊。江賦：咏采菱以扣舷。

【山翠句】蕭子鈞詩：山翠餘煙橫。

【提筐】梁簡文

帝詩：蠶妾始提筐。

【蠶眠】蠶不食葉，謂之眠。庾信詩：原蠶始更眠。

題永樂韋少府廳壁

永樂，在陝西米脂縣西。少府，縣尉之別名。

大河南郭外，終日氣昏昏。白鳥下公府，青山當縣門。故人是邑尉，過客駐征軒。不憚烟波濶，思君一笑言。

【昏昏】陰隱詩：昏昏靡日西。
【白鳥】鶻也。
【公府】古陌上桑詩：盈盈公府步。
【邑尉】漢書：百官公卿表：縣令長皆掌官，掌治其縣，皆有丞尉。

七律

首春渭西郊行呈藍田張二主簿

渭出陝西渭源縣，鳥鼠同穴山。兼雍水、黑水、渭河及嶺、渭、

灊、漆、沮、涇水，洛水而入黃河。藍田縣，屬陝西關中道。主簿，管理文書簿籍。

迴風度雨渭城西，細草新花踏作泥。秦女峯頭雪未盡，胡公陂音碑上日初低。

愁窺白髮羞微祿，悔別青山憶舊谿。聞道輞川音多勝事，玉壺春酒正堪攜。

【迴風】楚辭：悲迴風之搖蕙兮。

【度雨】梁元帝：麗洞：神女雲兮初度雨。

【秦女峯】在西安府，或云即華山玉女峯。

【胡

公陂】

長安志：漢陂田終南諸谷，合胡公泉爲陂。

【輞川】王維別墅。

【玉壺】鮑照詩：清如玉壺冰。

五絕

西過渭州見渭水思秦川

渭州，唐書地理志：關內道渭州，元和四年置，今甘肅平涼縣。秦川，即陝西也。

見方輿紀要。

渭水東流去，何時到雍州？
憑添兩行淚，寄向故園流。

【雍州】古九州之一。唐書地理志：京兆府京兆郡本雍州，今陝西甘肅及青海額濟納之地。

題三會寺倉頡造字臺

韻，奚結切。倉頡，黃帝之史官。臺在壽光東北，涇水所經。見齊書。

野寺荒臺晚，寒天古木悲。
空堦有鳥跡，猶似造書時。

【鳥跡】倉頡見鳥跡獸跡而造字。

秋思

那知芳歲晚，坐見寒葉墮。
吾不如腐草，翻飛作螢火。

【腐草】禮月令：腐草爲螢。

題平陽郡汾橋邊柳樹

平陽魏置郡，唐因之，今山西臨汾縣治。

此地曾居住，今來宛似歸；可憐汾上柳，相見也依依。

【汾上】汾水之上。汾水源出山西管涔山。【依依】眷戀之意。詩：楊柳依依。

七絕

獻封大夫破播仙凱歌

播仙，未詳其地。按：唐書封常清傳，不載有破播仙之事，或即在爲北庭都護持節。

伊西節度使時也。至從芝仙討小勃律時，尙不稱大夫。前輪臺歌，送出師西征，殆同一事。

漢將承恩西破戎，捷書先奏未央宮；天子預開麟閣待，至今誰數貳師功？

【捷書】報勝之書。梁武帝集：奇謀開出，捷書日至。

【未央宮】漢宮。

【麟閣】漢書蘇武傳：上思股肱之臣，迺圖畫其人於麒麟閣。

【貳師】漢書李廣利傳：李廣利爲貳師將軍。

日落轅門鼓角鳴，千羣面縛出蕃城；洗兵魚海雲迎陣，秣馬龍堆月照營。

【轅門】軍中以轅相向表門。

【鼓角】軍中用爲號令之器，夜則用以記時爲更柝也。後漢書公孫瓚傳：袁氏之攻狀若鬼神，梯衝

舞舌樓上，鼓角鳴於地中。

【面縛】史記宋世家：微子造於軍門，肉袒面縛。索隱曰：面縛者，縛手於背而面向前也。【洗兵】說苑：

武王伐紂，風靡雨淂以大雨，數宜生曰：此非妖異？王曰：非也，天洗兵也。

【魚海】唐書：天寶元年，河西節度使王倕克吐蕃魚海。

【秣馬】詩言秣其馬。【龍堆】漢書西域傳：樓蘭最東，垂近漢，當白龍堆。

玉關寄長安李主簿

玉關，元和志：在龍勒縣西，爲西域門戶。

東去長安萬里餘，故人何惜一行書；玉關西望堪腸斷，況復明朝是歲除。

【歲除】歲終之一日。

虢州後亭送李判官使赴晉絳

虢州，在今陝西寶雞縣。晉絳，唐書地理志：河東道有晉州平陽郡。

絳州絳郡。

西原驛路挂城頭，客散紅亭雨未收；君去試看汾水上，白雲猶似漢時秋。

【汾水】見上。【漢時秋】漢武帝故事：帝行幸河東，祠后土，顧視帝京，忻然，中流與羣臣飲，謠作秋風，祠曰秋風，起兮白雲飛。

赴北庭度隴思家

北庭，唐書地理志：北庭都護府屬隴右道。隴，卽隴山，注見下。

西向輪臺萬里餘，也知鄉信日應疎；隴山鸚鵡能言語，爲報家人數寄書。

【輪臺】見前。【鸚鵡】鳥名。所舌可使言，出自隴山。

【隴山】在陝西隴縣，又名隴坻、隴首、隴坂，東西百八十里，其坂九迴，上

者七日乃得越。補衛鸚鵡賦：命虞人於隴坻。

山房春事

梁園日暮亂飛鴉，極目蕭條三兩家；
庭樹不知人去盡，春來還發舊時花。

【梁園】西漢梁孝王之園也。


逢入京使

故園東望路漫漫，雙袖龍鍾淚不乾；
馬上相逢無紙筆，憑君傳語報平安。

【漫漫】遠長貌。【龍鍾】老人之態，如竹之搖曳。

42279

香林齋嘉州詩終



標商冊註



民國二十五年八月印刷
民國二十五年八月發行

中國文學精華

音注 王摩詰 孟浩然 詩 (全一冊)
高渤海 岑嘉州

◎

實價 國幣二角五分

(郵運匯費另加)

有不著准
作翻印

輯注者 中華書局

發行者 中華書局有限公司

代表人 陸費達

印刷者 上海 中華書局印刷所

上海福州路 中華書局發行所

各埠 中華書局

(一〇六一六)

